

增輯
驗方新編
金部

一卷

頭部
耳部
舌部
頸項

面部
鼻部
齒部
咽喉

眉部
唇部
鬚部

目部
口部
下頰



南京中醫藥大學圖書館藏
版權所有
冊

狀元閣爵記
增補驗方新編

江南城聚寶門三山大街大功坊郭家巷內秦
狀元巷中李光明家自梓童蒙各種讀本書籍
揀選重料紙張刷印裝訂又分舖狀元境狀元
境口狀元閣實價發售每部八本制錢陸百文

重梓驗方新編序

子長傳扁鵲倉公謂其以禁方精方妙方相授受又補載
鑒藥已病之狀而孟堅藝文志鑒經著錄者七家經升著
錄者十一家古之重方書如此降至葛洪肘後思邈千金
陸氏集驗外台秘要著錄者亦夥頃不可枚數後世於方
書不講倉卒無以應疾惟鮑氏所輯驗方新編爲時珍異
病者按冊稽部按部稽症按症調齊至齊之得猶慈石之
取鐵焉旣簡旣便亦精亦博特麻沙板行五厯剗剗字經
三寫轉焉爲烏甚者漫漶不可識別恐如班氏所言以瘡
爲劇以生爲死而說者遂古方不能已新病也爰覓初

雕善本重梓之囑幸舍諸賢任校讐之役兒子席珍士瑜
士珩左右襄助蕲成善本印墨倭散診籍流傳庶幾僻陋
傳舍荒寒鄉邑應病投藥易於施治則中流一壺繫之殤
子今之壽民其功用何渠不若古昔諸書乎世有好奇如
國工聖儒者興置之青囊以時參習成倉公之藝則異日
謁者求書侍鑒校錄此篇庶賴明哲而備秘府方技之采
以傳視奕禩焉

光緒辛巳仲夏合肥張紹棠識

吳刻原序

古方書如類證普濟本事方太平惠民和劑局方濟生方
雞峯普濟方皆爲惠人濟世之用宋董汲著旅舍備要方
於用尤便顧其書多不甚傳豈古方今病有不相合者耶
然則求其相合者而傳之爲不可緩矣驗方新編一書參
金石絲竹匏土草木八冊蒐羅甚富試之輒奇驗粵中人
寶之吳紫石明府攜一帙來滬索閱者甚眾捆寄不能繼
遂集資若干金重刻之邢君研田深於鑒校勘極精密是
書出而窮鄉僻壤馬背船脣無不可治之證其爲惠濟不
亦大乎孫思邈嘗謂人命至重貴於千金一方濟之德逾



中醫藥大學圖書館版權所有

於此故所著方書以千金名明府是編殆亦德逾千金矣
近余戚秀水王秋樵芹生昆季刻良方集腋合璧功用略
相等與此則如王王之連也明府介無錫余君蓮郵徵序
書以歸之

同治甲子秋日吳縣馮桂芬序



番禺潘氏原序

昔陸宣公在南中撰今古集驗方五十篇惜今不傳而
端明復與沈存中撰蘇沈良方一書後人力辨非端明
筆顧端明雜著時言醫理於是事殆亦頗究心蓋方藥之
事術家能習其技而不能知其所以然儒者能明其理而
又往往未經試驗卽謂方出存中而端明以博通物理而
輾轉代傳其功豈遽出存中下宜迄今千百載以蘇沈齊
稱矣明焦弱侯亦嘗欲集古雜記中諸藥方爲一書惜未
成祇筆乘中載有數十條耳周櫟園書影謂古人非自驗
之方未必肯記之於集若依筆乘所載再爲推廣各分症

類都爲一集勝刻快書清記諸鄙俚無用之書多矣此書亦不難成留心醫術誌之近善化鮑君成駿方新編一書刻於粵西其視葛洪肘后方孫思邈千金方未知如何而平易近人隨地隨時均可濟物予特重付剞劂以分貽四方諸君子庶益廣流佈更冀人同此心心同此理俾立方者與余之願力引伸於不窮或又重刊以輾轉代傳於邇邑大都以迄海澨山陬則彌溥功德於無量耳道光己酉小寒節番禺潘仕成識於粵東海山仙館

善化鮑氏原序

凡人不能無病病必延醫服藥然醫有時而難逢藥有時而昂貴富者固無慮此貧者時有束手之憂爲方便計自莫良於單方一門矣單方最夥選擇宜精果能方與症對則藥到病除無醫亦可余幼時見人有良方秘不傳世竊鄙之因立願廣求不遺餘力或見於古今之載籍或得之戚友之傳聞皆手錄之久之薈萃甚富各門俱備乃刪其不甚經驗及數方相同與夫貴藥不能力致者今之所存期於有是病卽有是方有是方卽有是藥且有不費一錢而其效如神者雖至窮鄉僻壤之區馬足船唇之地無

不可以倉猝立辦頃刻奏功區區救世之苦心校讐不倦
寢食與俱蓋廿年於茲矣同人見之謂可傳世遂集資以
付手民而志其緣起如此後有所得當俟續刻云道光丙
午仲春月善化鮑相璈撰於粵西武宣官廨



凡例

一是編搜輯考訂垂二十年原委已詳序中其方雖未能一一遍試然偶一施治輒著神奇故敢付梓公諸同好一是編期於穩妥外治居多卽內治諸方亦經斟酌然後入選惟藥性未能盡諳如有紕繆之處尚祈高明

之

一膏梁之家喜服貴藥而庸醫每多迎合草菅人命恬不爲怪不知藥如對症雖洩勃亦見奇功藥不對症卽參茸每多貽誤尤須炮製得宜分量較準方能奏效是編貴藥甚少多係眼前常用之物雖窮鄉僻壤購覓良便

切勿以平易忽之

一是編隨手綴錄門類不倫有乖體例從俗便也識者諒之

一古今癰疽方書以古吳林屋山人王洪緒先生

維德

科全生集爲最治疽之法尤爲千古獨得之奇

其餘

症諸方亦多神效編中採錄十之八九特爲隨症標明

俾資擇用並將全生集序文凡例附錄於土部目錄後

俾閱者知其獨具隻眼濟世深心

一是編方多奇驗藥料亦價廉工省貧富皆宜家置一部最爲方便如能刷印施送較送善書經文功德更大若



能釀金翻刻廣爲流傳或按方製藥施送濟世尤非尋常陰隲可比好善君子尙毋忽諸

重梓凡例

一是編重梓悉遵原集間有增輯亦必歷驗之方始甄擇
增錄不敢妄續鳬脰貽譏鹵莽

一旌德王君鏡堂

汝謙

博覽診籍精於醫理凡各門治症

或有未備囑依古方書增一二則以補苴罅漏本于某

氏采自某書並著明之備閱者檢核

一校字爲上元常君實卿

思復

江甯張君貫之

傳仁

皆發

願校讐用功甚勤其原本則舒城張君錫珊
麟所贈也

一此板存金陵狀元境李光明許如有善士發心印送者不取板價一毛半菽

一蘇端明喜蓄善藥有求者輒與之曰病者得藥吾爲之體輕編內如午時茶神麴七釐散紫金錠塘栖痧藥玉真散紅靈丹徐氏行軍萬應膏皆屢試屢驗數金可合一料宜預製存儲刊單俵散德隆恩溥福不唐捐存學士之志者尙望推廣行之

一此編殺青將竣邵陽魏君季子蕞其尊人伯孺大令少微堂日記驗方數十則見視麟趾裏蹄皆精金百煉也補輯庸廣其惠

埤內景賦

新增

嘗計夫人生根本兮由乎元氣表裡陰陽兮升降
出入運行兮周而復始神機氣立兮生化無休
行乎肌表藏府兮通於咽喉喉在前其形堅健
其質和柔喉通呼吸之氣氣行五藏咽爲飲食之道
府源頭氣食兮何能不亂主宰者會厭分流從此兮下
咽入膈藏府兮陰陽不侔五藏者肺爲華蓋而上連喉
管肺之下心包所護而君主可求此卽膻中宗氣所從
膈膜周蔽清虛上宮脾居膈下中州胃同膜聯胃左運
化乃工肝葉障於脾後膽府附於葉東兩腎又居脊下



胃間有脈相通主閉蟄封藏之本爲二陰天一之竅此
屬喉之前竅精神須賴氣充又如六府陽明胃先腐熟
水穀胃脘通咽上口稱爲賁門穀氣從而散宣輸脾經
而達肺誠藏府之大源厯幽門之下口聯小腸而盤旋
再小腸之下際有關門者在焉此泌別之關隘分清濁
於後前大腸接其右導滓穢於大便膀胱無上竅幽滲
泄而通泉羨二陰之和暢皆氣化之自然藏府略備三
焦未言號孤獨之府擅總司之權體三才而定位法六
合而象天上焦如霧兮靄氤氲之天氣中焦如漚兮化
營血之新鮮下焦如瀆兮主宣通乎壅滯此所以上焦

主內而不出下焦主出而如川又總諸藏之所居高
低之飛類求脈氣之往來果何如而相濟以心土之爲
君朝諸經之維系是故怒動於心肝從而熾慾念并萌
腎經精沸搆難釋之苦思枯脾中之生意肺脈瀆而氣
沉爲悲憂於心內惟脈絡有以相通故氣得從心而至
雖歸藏之歸心實上系之聯肺肺氣何生根從脾胃賴
水穀於厥倉化精微而爲氣氣旺則精盈精盈則氣盛
此是化源根坎裏藏真命雖內景之緣由尙根苗之當
究旣云兩腎之前又曰膀胱之後出大腸之上左居小
腸之下右其中果何所藏蓄坎離之交媾爲生氣之海